

VENDIM
Nr.374, datë 8.4.2009

PËR LEJIMIN E KALIMIT TRANZIT TË TETË AUTOKOLONAVE USHTARAKE ITALIANE, PËRMES TERRITORIT TË REPUBLIKËS SË SHQIPËRISË

Në mbështetje të nenit 100 të Kushtetutës dhe të neneve 16, pika 2, 17, 18 e 19, të ligjit nr.9363, datë 24.3.2005 “Për mënyrën dhe procedurat e vendosjes dhe kalimit të forcave ushtarake të huaja në territorin e Republikës së Shqipërisë, si dhe për dërgimin e forcave ushtarake shqiptare jashtë vendit”, me propozimin e Ministrit të Mbrojtjes, Këshilli i Ministrave

VENDOSI:

1. Lejimin e kalimit tranzit, përmes territorit të Republikës së Shqipërisë, në itinerarin Porti i Durrësit - Qafë-Thanë, në datën 14 prill 2009, të 8 (tetë) autokolonave ushtarake italiane, si më poshtë vijon:

- autokolona e parë, 19 (nëntëmbëdhjetë) automjete dhe 41 (dyzet e një) trupa;
- autokolona e dytë, 18 (tetëmbëdhjetë) automjete dhe 41 (dyzet e një) trupa;
- autokolona e tretë, 17 (shtatëmbëdhjetë) automjete dhe 35 (tridhjetë e pesë) trupa;
- autokolona e katërt, 14 (katërmëdhjetë) automjete dhe 29 (njëzet e nëntë) trupa;
- autokolona e pestë, 16 (gjashtëmbëdhjetë) automjete dhe 39 (tridhjetë e nëntë) trupa;
- autokolona e gjashtë, 10 (dhjetë) automjete dhe 36 (tridhjetë e gjashtë) trupa;
- autokolona e shtatë, 15 (pesëmbëdhjetë) automjete dhe 23 (njëzet e tre) trupa;
- autokolona e tetë, 16 (gjashtëmbëdhjetë) automjete dhe 33 (tridhjetë e tre) trupa.

2. Pika e hyrjes në territorin e Republikës së Shqipërisë është pika e kalimit të kufirit Porti i Durrësit dhe pika e daljes është pika e kalimit të kufirit Qafë-Thanë.

3. Procedurat për hyrjen, qëndrimin dhe daljen e këtyre trupave në Republikën e Shqipërisë janë parashikuar në marrëveshjen, ndërmjet palëve të Traktatit të Atlantikut të Veriut, për statusin e forcave, nënshkruar në Londër, më 19 qershor 1951, të marrëveshjes ndërmjet shteteve palë në Traktatin e Atlantikut të Veriut dhe shteteve të tjera, që marrin pjesë në Partneritetin për Paqe, përsa i përket statusit të forcave të tyre, nënshkruar në Bruksel, më 10 janar 1994, si dhe të protokollit shtesë, për marrëveshjen, ndërmjet shteteve palë në Traktatin e Atlantikut të Veriut dhe të shteteve të tjera pjesëmarrëse në Partneritetin për Paqe, përsa i përket statusit të forcave të tyre, ratifikuar me ligjin nr.8034, datë 22.11.1995.

4. Autokolonat italiane, gjatë hyrjes, lëvizjes dhe daljes në/nga territori i Republikës së Shqipërisë, të shoqërohen nga njësi të armatosura të Forcave të Armatosura të Republikës së Shqipërisë.

5. Ngarkohet Ministria e Mbrojtjes për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTRI
Sali Berisha